

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

晉

陶壺澤

第四十七冊

V. 47

國造集

國造集

題詞

一

陶彭澤集

陶彭澤集題詞

古來詠陶之作惟顏清臣稱最相知
謂其公相子孫北牕高臥永初以後
題詩甲子志猶張良思報韓龔勝耻
事新也思深哉非清臣孰能爲此言
乎吳幼清亦云元亮述酒荆軻等作

欲爲漢相孔明而無其資嗚呼此亦
知陶者其遭時何相似也君臣大義
蒙難愈明仕則爲清臣不仕則爲元
亮舍此則華歆傅亮攘袂勸進三尺
童子咸羞稱之此昔人所以高楊鐵
崖而卑許平仲也感士類子長之侔

儻閑情同宋玉之好色告子似康成
之誠書自祭若右軍之誓墓孝贇補
經傳記近史陶文雅兼衆體豈獨以
詩絕哉真西山云淵明之作宜自爲
一編附三百篇楚辭之後爲詩根本
準則是最得之莫謂宋人無知詩者

也陶刻頗多而學者多善焦太史所
訂宋本故仍其篇

婁東張溥題

陶彭澤集目錄

賦

感士不遇賦 有序

閑情賦 有序

辭

歸去來辭 有序

疏

與子儼等疏

記

桃花源記

贊

扇上畫贊

傳贊

天子孝傳贊

諸侯孝傳贊

卿大夫孝傳贊

士孝傳贊

庶人孝傳贊

傳

晉故征西大將軍長史孟府君傳

五柳先生傳

述

讀史述九章

有序

夷齊

箕子

管鮑

程杵

七十二弟子

屈賈

韓非

魯二儒

張長公

祭文

祭程氏妹文

祭從弟敬遠文

自祭文

詩

停雲

有序
四章

時運

有序
四章

榮木

有序

贈長沙公族祖

有序
四章

酬丁柴桑

二章

荅龐參軍

有序
六章

勸農

六章

命子

十章

歸鳥 四章

形影神三首 并序

形贈影

影答形

神釋

九日間居 并序

歸園田居五首

問來使

遊斜川 并序

示周續之祖企謝景夷三郎

乞食

諸人共遊周家墓栢下

怨詩楚調示龐主簿鄧治中

荅龐參軍

有序

五月旦作和戴主簿

連雨獨飲

移居二首

和劉柴桑

酬劉柴桑

和郭主簿二首

於王撫軍座送客

與殷晉安別

有序

贈羊長史

有序

歲暮和張常侍

和胡西曹示顧賊曹

悲從弟仲德一首

始作鎮軍參軍經曲阿

庚子歲五月中從都還阻風於規林二

首

辛丑歲七月赴假還江陵夜行塗中

癸卯歲始春懷古田舍二首

癸卯歲十二月中作與從弟敬遠

乙巳歲三月爲建威參軍使都經錢溪

還舊居

戊申歲六月中遇火

己酉歲九月九日

庚戌歲九月中於西田穫早稻

丙辰歲八月中於下潠田舍穫

責子

有會而作

并序

蜡日

四時

飲酒二十首

有序

述酒

擬古九首

雜詩十二首

詠貧士七首

詠二疎

詠三良

詠荆軻

讀山海經十三首

擬挽歌辭三首

桃花源詩

聯句

附錄

本傳

陶彭澤集目錄終

陶彭澤集卷全

晉潯陽陶淵明著

明太倉張溥閱

賦

感士不遇賦

有序

昔董仲舒作士不遇賦司馬子長又爲之余嘗
以三餘之日講習之暇讀其文慨然惆悵夫履
信思順生人之善行抱朴守靜君子之篤素一作
素業自真風告逝大偽斯興閭閻懈廉退之節市

朝驅易進之心。懷正志道之士。或潛玉於當年。
潔已清操之人。或沒世以徒勤。故夷皓有安歸
之歎。三閭發已矣之哀。悲夫。寓形百年。而瞬息
已盡。立行之難。而一城莫賞。此古人所以染翰
慷慨。屢伸而不能已者也。夫導達意氣。其惟文
乎。撫卷躊躇。遂感而賦之。

谷大塊之受氣。何斯人之獨靈。稟神智以藏照。
秉三五而垂名。或擊壤以自歡。或大濟於蒼生。
靡潛躍之非分。常傲然以稱情。世流浪而遂徂。

物羣分以相形，密網裁而魚駭。宏羅制而鳥驚，
彼達人之善覺，乃逃祿而歸耕。山嶷嶷而懷影，
川汪汪而藏聲。望軒唐而求歎，甘貧賤以辭榮。
涖源汨一作恒以長分，美惡作以一作紛其異途。原百
行之攸貴，莫爲善之可娛。奉上天之成命，師聖
人之遺書。發忠孝於君親，生信義於鄉閭。推誠
心而獲顯，不矯然而祈譽。嗟乎雷同毀異，物惡
其上。妙算者謂迷，直道者云妄。坦至公而無猜，
卒蒙耻以受謗。雖懷瓊而握蘭，徒芳潔而誰亮。

哀哉士之不遇已不在炎帝帝魁之世獨祇修
以自勤豈三省之或廢庶進德以及時時旣至
而不惠無爰生之晤言念張季之終蔽愍馮叟
於郎署賴魏守以納計雖僅然於必知亦苦心
而曠歲矧夫市之無虎眩三夫之獻說悼賈傅
之秀朗紆遠轡於促界悲董相之淵致屢乘危
而幸濟感哲人之無偶淚淋浪以灑袂承前王
之清誨曰天道之無親澄得一以作鑒恒輔善
而祐仁夷投老以長饑回早夭而又貧傷請車

以備櫛悲茹薇而殞身雖好學與行義何死生
之苦辛疑報德之若茲懼斯言之虛陳何曠世
之無才罕無路之不澀伊古人之慷慨病痛一作

奇名之不立廣結髮以從政不愧賞於萬邑屈
雄志於戚豎竟尺土之莫及畱誠信於身後動
衆人之悲泣商盡規以拯弊言始順而患入奚
良辰之易傾胡害勝其乃急蒼旻遐緬人事無
已有感有昧疇測其理宜固窮以濟意不委曲
而累已旣軒冕之非榮豈緼袍之爲恥誠謬會

以取拙且欣然而歸止擁孤襟以畢歲謝良價
於朝市

閑情賦

有序

初張衡作定情賦、蔡邕作靜情賦、檢逸辭而宗
澹泊、始則蕩以思慮、而終歸閒正。將以抑流宕
之邪心、諒有助於諷諫、綴文之士、奕代繼作、並
因觸類、廣其辭義、余園間多暇、復染翰爲之、雖
文鈔不足、庶不謬作者之意乎

夫何瓌逸之令姿、獨曠世以秀群、表傾城之豔

仁期有德於傳聞、鳴佩玉以比潔、齊幽蘭以爭
芬、淡柔情於俗內、負雅志於高雲、悲晨曦之易
久、感人生之長勤、同一盡於百年、何歡寡而愁
殷、褰朱帟而正坐、汎清瑟以自欣、送纖指之餘
好、攘皓袖之繽紛、瞬美目以流眄、含言笑而不
分、曲調將半、景落西軒、悲商叩林、白雲依山、仰
睇天路、俯促鳴絃、神儀嫵媚、舉止詳妍、激清音
以感余、願接膝以交言、欲自往以結誓、懼冒禮
之爲愆、待鳳鳥以致辭、恐他人之我先、意惶惑

而靡甯魂須臾而九遷願在衣而爲領承華首
之餘芳悲羅襟之宵離怨秋夜之未央願在裳
而爲帶束窈窕之纖身嗟溫良之異氣或脫故
而服新願在髮而爲澤刷玄鬢於頽肩悲佳人
之屢沐從白水以枯煎願在眉而爲黛隨瞻視
以閒揚悲脂粉之尚鮮或取毀于華粧願在莞
而爲席安弱體於三秋悲文茵之代御方經年
而見求願在絲而爲履附素足以周旋悲行止
之有節空委棄於床前願在晝而爲影常依形

而西東、悲高樹之多蔭、慨有時而不同、願在夜
而爲燭、照玉容於兩楹、悲扶桑之舒光、奄滅景
而藏明、願在竹而爲扇、含凄飈於柔握、悲白露
之晨零、顧襟袖以緬邈、願在木而爲桐、作膝上
之鳴琴、悲樂極以哀來、終推我而輟音、考所願
而必違、徒契濶以苦心、擁勞情而罔訴、步容與
於南林、棲木蘭之遺露、翳青松之餘陰、儻行行
之有覲、交欣懼於中襟、竟寂寞而無見、獨悵想
以空尋、歛輕裾以復路、瞻夕陽而流歎、步徒倚

以忘趣、色慘悽、而矜顏、葉燮燮、以去條、氣淒淒、
而就寒、日負影、以偕沒、月媚景、於雲端、鳥悽聲、
以孤歸、獸索偶、而不還、悼當年之晚暮、恨茲歲、
之欲殫、思宵夢、以從之、神飄颻、而不安、若馮舟、
之失棹、譬緣崖、而無攀、于時畢昴盈軒、北風淒、
淒惘惘、不寐、衆念徘徊、起攝帶、以伺晨、繁霜粲、
於素階、雞歛翅、而未鳴、笛流遠、以清哀、始妙密、
以閑和、終寥亮、而藏摧、意夫人之在茲、託行雲、
以送懷、行雲逝、而無語、時奄冉、而就過、徒勤思、

以自悲終阻山而帶河迎清風以祛累寄弱志
於歸波尤蔓草之爲會誦邵南之餘歌坦萬慮
以存誠憇遙情於八遐

長春縣志序
卷八
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

歸去來辭 有序

余家貧耕植不足以自給。幼稚盈室，鉅無儲粟。生生所資，未見其術。親故多勸余爲長吏，脫然有懷，求之靡途。會有四方之事，諸侯以惠愛爲德。家叔以余貧苦，遂見用於小邑。于時風波未靜，心憚遠役。彭澤去家百里，公田之利，足以爲酒。故便求之。及少日，眷然有歸歟之情。何則？質性自然，非矯厲所得。饑凍雖切，違已交病。嘗從

人事皆口腹自役。於是悵然慷慨。深媿平生之志。猶望一稔。當歛裳宵逝。尋程氏妹喪于武昌。情在駿奔。自免去職。仲秋至冬。在官八十餘日。因事順心。命篇曰歸去來兮。乙巳歲十一月也。歸去來兮。田園將蕪。胡不歸。旣自以心爲形役。奚惆悵而獨悲。悟已往之不諫。知來者之可追。寔迷途其未遠。覺今是而昨非。舟遙遙以輕颺。風飄飄而吹衣。問征夫以前路。恨晨光之熹微。乃瞻衡宇。載欣載奔。僮僕歡迎。稚子候門。三迕。

荒松菊猶存携幼入室有酒盈罇引壺觴以
自酌眄庭柯以怡顏倚南窗以寄傲審容膝之
易安園日涉以成趣門雖設而常關策扶老以
流憩時矯首而遐觀雲無心以出岫鳥倦飛而
知還景翳翳以將入撫孤松而盤桓歸去來兮
請息交以絕游世與我而相違復駕言兮焉求
悅親戚之情話樂琴書以消憂農人告余以春
及將有事於西疇或命巾車或棹孤舟旣窈窕
以尋壑亦崎嶇而經邱木欣欣以向榮泉涓涓

而始流、羨萬物之得時、感吾生之行休已矣乎。
寓形宇內、復幾時、曷不委心任去留、胡爲乎遑。
遑、今欲何之、富貴非吾願、帝鄉不可期、懷良辰。
以孤往、或植杖而耘耔、登東臯以舒嘯、臨清流。
而賦詩、聊乘化以歸盡、樂夫天命復奚疑、

疏

與子儼等疏

告儼俟份佚修、天地賦命、生必有死、自古賢聖
誰能獨免、子夏有言、死生有命、富貴在天、四友
之人、親受音旨、發斯談者、將非窮達不可妄求、
壽夭永無外請、故耶、吾年過五十、少而窮苦、每
以家弊、東西游走、性剛才拙、與物多忤、自量爲
已、必貽俗患、僂俛辭世、使汝等幼而饑寒、余嘗
感孺仲賢妻之言、敗絮自擁、何慙兒子、此旣一

事矣。但恨隣靡二仲。室無萊婦。抱茲苦心。良獨
內愧。少學琴書。偶愛閒靜。開卷有得。便欣然忘
食。見樹木交蔭。時鳥變聲。亦復歡然有喜。常言
五六月中。北窗下卧。遇涼風暫至。自謂是羲皇
上人。意淺識罕。謂斯言可保。日月遂往。機巧好
疎。緬求在昔。眇然如何。病患以來。漸就衰損。親
舊不遺。每以藥石見救。自恐大分將有限也。汝
輩稚小。家貧。每役柴水之勞。何時可免。念之在
心。若何可言。然汝等雖不同生。當思四海皆兄

弟之義。鮑叔管仲。分財無猜。歸生伍舉。班荆道舊。遂能以敗爲成。因喪立功。他人尚爾。況同父之人哉。潁川韓元長。漢末名士。身處卿佐。八十而終。兄弟同居。至於沒齒。濟北汜稚春。晉時操行人也。七世同財。家人無怨色。詩曰。高山仰止。景行行止。雖不能爾。至心尚之。汝其慎哉。吾復何言。

記

桃花源記

晉太元中武陵人捕魚爲業緣溪行忘路之遠
近忽逢桃花林夾岸數百步中無雜樹芳草

一作

華鮮美落英繽紛漁人甚異之復前行欲窮其
林林盡水源便得一山山有小口髣髴若有光
便捨船從口入初極狹纔通人復行數十步豁
然開朗土地平曠屋舍儼然有良田美池桑竹
之屬阡陌交通雞犬相聞其中往來種作男女

衣着悉如外人。黃髮垂髻，並怡然自樂。見漁人，乃大驚問所從來，具答之，便要還家，設酒殺雞作食。村中聞有此人，咸來問訊。自云：「先世避秦時亂，率妻子邑人來此絕境，不復出焉。遂與外人間隔。問今是何世，乃不知有漢，無論魏晉。此人一一爲具言所聞，皆歎惋。餘人各復延至其家，皆出酒食。停數日辭去。此中人語云：『不足爲外人道也。』」既出，得其船，便扶於作向路，處處誌之。及郡下，詣太守，劉歆說如此。太守卽遣人隨

其往尋向所誌遂迷不復得路南陽劉子驥高
尚士也。聞之欣然規一作親往未果尋病終後遂
無問津者。

雜詩

陸士龍

雜詩

扇上畫贊

荷篠丈人

長沮桀溺

於陵仲子

張長公

邴曼容

鄭次都

薛孟嘗

周陽珪

三五道邈，淳風日盡。九流參差，互相推隕。形逐物遷，心無常準。是以達人，有時而隱。四體不勤，五穀不分。超超丈人，日夕在耘。遼遼沮溺，耦耕自欣。犬鳥不駭，雜獸斯羣。至矣於陵，養氣浩然。蔑彼結駟，甘此灌園。張生一仕，曾以仕還。顧我

不能高謝人間、岌岌邴公望、崖輒歸、匪驕匪吝、
前路威夷、鄭叟不合、垂釣川湄、交酌林下、清言
究微、孟嘗遊學、天網時疎、眷言哲友、振褐偕徂、
美哉周子、稱疾閑居、寄心清尚、悠然自娛、翳翳
衡門、洋洋泌流、曰琴曰書、顧盼有儔、飲河旣足、
自外替休、緬懷千載、託契孤遊、

傳贊

天子孝傳贊

虞舜

夏禹

殷高宗

周文王

虞舜父頑母嚚事之於畎畝之間以孝烝烝是以堯聞而授之富有天下貴爲天子以爲不順於父母若窮而無歸惟悅親可以得意苟違朝夕若嬰兒之思戀故稱舜五十而慕書曰戛擊鳴球搏拊琴瑟以詠祖考來格言思其來而訓之愛敬盡於事親是以德教加於百姓刑於四

海夏禹有天下以奉宗廟然躬自菲薄以厚其
孝孔子曰禹吾無間然矣非飲食而致孝乎鬼
神惡衣服而致美乎黻冕禹之德於是稱聞聖
人之德無以加於孝敬孝敬之道美莫大焉殷
高宗諒陰三年不言百官總已而聽於冢宰三
年而後言天下咸歡德教大行殷道以興詩曰
一人有慶兆民賴之其此之謂乎周文王之爲
世子也朝於王季日三鷄鳴至於寢門問於內
豎內豎曰安文王乃喜不安則色憂行不能正

日中暮亦如之食上必視寒溫之節食下必
所膳而後退文王孝道光其化自近至遠
刑于寡妻以御于家邦故得萬國之歡心以事
其先王矣

贊曰至哉后德聖敬自天陶漁致養菲薄饗先
親瘠色憂諒陰寢言一人有慶千載賴旃

諸侯孝傳贊

周公旦
河間惠王

魯孝公

周公旦武王之弟成王幼少周公攝政制禮作

樂郊祀后稷以配天宗祀文王於明堂以配上
帝是以四海之內各以其職來祭詩曰於穆清
廟肅雍顯相言諸侯樂其位而敬其事也仲尼
曰孝莫大於嚴父嚴父莫大於配天則周公其
人也貴而不驕位高彌謙自承文武之休烈孝
遊通于神明光被四海武王封之於魯備其禮
樂以奉宗廟焉魯孝公之爲公子周宣王問公
子能道訓諸侯者立之樊穆仲稱其孝曰肅恭
明神而敬事耆老賦事行刑必問於遺訓咨於

貴不于所問、不犯所咨、王曰然、則能訓理其
民矣、乃命之於夷宮、是爲孝公、夫宗廟致敬、不
忘親也、有國不亦宜乎、漢河間惠王、獻王之曾
孫也、西京藩臣、多驕放之失、其名德者、唯獻王、
而惠王繼之、漢書稱其能修獻王之行、母薨、服
喪盡禮、哀帝下詔書褒揚、以爲宗室儀表、增封
萬戶、禮古之人皆然、至於末俗衰薄、固已賢矣、
貴而率禮、又難、其見褒賞、不亦宜乎、
贊曰、貴驕殊途、不期而會、周公勞謙、乃成光大

二侯承魯、遵儉去泰、河間率禮、漢宗是賴、

卿大夫孝傳贊

孔子
顧考叔

孟莊子

孔子魯人也、入則事父兄、出則事公卿、公事不
敢不勉、故稱曰孝乎、惟孝友于兄弟、是亦爲政
也、君賜腥、必熟而薦之、雖蔬食而齊祭、如在、鄉
人儺、朝服立於阼階、孝之至也、至德要道、莫大
於孝、是以曾參受而書之、游夏之徒、常咨稟焉、
許止不嘗藥、書以殺父、宰我暫言、咸喪責以不

仁言合訓典行合世範德義可尊作事可法遺
文不朽揚名千載孟莊子魯人也孔子稱其孝
其他可能也其不改父之政與父之臣是難能
也夫孝子之事親也事亡如事存故當不義則
爭之存所不爭則亡亦不敢改父之道猶謂之
孝况終身乎。潁考叔鄭人也莊公以叔段之故
與母誓曰不及黃泉無相見也既而悔之考叔
爲封人聞之有獻於公公賜之食而舍肉公問
之對曰小人有母未嘗君之羹請以遺之公曰

汝有母遺，繫我獨無。考叔曰：何謂也？公語之故，且告之悔。考叔曰：若掘地及泉，隧而相見，其誰曰不然？公從之，遂爲母子如初。君子曰：潁考叔，純孝也，愛其母而施及莊公。詩云：孝子不匱，永錫爾類。其是之謂乎。

贊曰：仁惟本，悌聖亦基。孝恂恂尼父，固天攸造。二子承親，式禮遵誥。永錫純懿，無改遺操。

士孝傳贊

高柴

樂正子春

高柴衛人也喪親泣血三年未嘗見齒所謂哭
不偯言不文也爲武城宰而化行民有不服其
親者改之行喪如禮君子之德風也以身先之
而民不遺其親樂正子春魯人也下堂傷足旣
瘞數月不出猶有憂色曰吾聞之曾子父母全
而生之已全而歸之可謂孝矣故君子一舉足
一出言不敢忘父母不敢毀傷孝之始也夫能
敬慎若斯而災患及者求之有也孔奮扶風人
也少以孝行著名州里供養至謹在官唯母極

甘○美○妻○息○菜○食○。厯○位○以○清○。夫○人○情○莫○不○欲○厚○其○。親○然○亦○有○分○焉○。奢○則○難○繼○。能○致○儉○以○全○養○者○鮮○矣○。黃○香○江○夏○人○也○。九○歲○失○母○。思○慕○骨○立○。事○父○竭○力○以○致○養○。冬○無○被○袴○。而○盡○滋○味○。暑○則○扇○床○枕○。寒○則○以○身○溫○席○。漢○和○帝○嘉○之○。特○加○異○賜○。厯○位○恭○勤○。寵○祿○榮○親○。可○謂○夙○興○夜○寐○。無○忝○爾○所○生○者○也○。贊○曰○。顯○允○羣○士○。行○殊○名○鈞○。咸○能○夙○夜○以○義○榮○親○。率○彼○城○邑○。用○化○厥○民○。忠○以○悟○主○。其○孝○乃○純○。

庶人孝傳贊

江革
汝郁

殷陶

江革齊人也。漢章帝時避賊，負母而逃。賊賢之，不害，而告其生路，竭力傭賃，以致甘暖，和顏悅色，以盡歡心，欲親之安。自挽車以行，鄉人歸之，號曰江巨孝。位至五官中郎將。天子嘉焉，寵遇甚厚。告歸，詔書褒美，就家禮其終身，以顯異行。庶範京兆人也。少孤，十五入蜀，迎父喪，遇石船覆，範抱棺而沒。船人救之，僅免於死，遂以喪歸。及仕郡，極太守於危難，送故盡節。章帝時爲郡

守。百。姓。歌。詠。之。夫。孝。者。人。之。本。教。之。所。由。生。也。
是。以。範。之。臨。危。也。勇。宰。民。也。惠。能。以。義。顯。也。汝
郁陳郡人也。五歲母病不食。郁亦不食。母憐之。
強食。郁能察色。知病。輒復不食。族人號曰異童。
年十五。著於鄉里。父母終。思慕致毀。推財與兄
弟。隱於草澤。君子以爲難。况童齟。孝於自然。可
謂天性也。殷陶汝南人也。年十二。以孝稱。遭父
憂。率情合禮。有長蛇帶其門。舉家奔走。陶以喪
柩在焉。獨居廬不動。親戚扶持。曉喻。莫能移之。
啼號益盛。由是顯名。屢辭辟命。夫智者不惑。勇

者不懼。陶孝於其親而智勇並彰乎弱齡斯又難矣。

贊曰事親盡歡其難在色彼養以祿我養以力義在愛敬榮不假飾嗟爾衆庶鑒茲前式

其言竟然不類此類新法則其理左
其曰自歸愚拙其理亦非其理也
其理也

傳

晉故征西大將軍長史孟府君傳

君諱嘉，字萬年，江夏鄂人也。曾祖父宗以孝行

稱，仕吳司空。

宋本作空一作馬非

祖父揖，元康中爲廬陵

太守，宗塋武昌新陽縣，子孫家焉。遂爲縣人也。

君少失父，奉母二弟居，娶大司馬長沙桓公陶

侃第十女，閨門孝友，人無能間。鄉閭稱之，冲默

有遠量，弱冠，儔類咸敬之。同郡郭遜以清操知

名，時在君右，常歎君溫雅平曠，自以爲不及遜。

從弟立亦有才志、與君同時齊譽、每推服焉、由是名冠州里、聲流京邑、太尉潁川庾亮以帝舅民望、受分陝之重、鎮武昌、并領江州、辟君部廬陵從事、下郡還、亮引見、問風俗得失、對曰、嘉不知、還傳當問從吏、亮以麈尾掩口而笑、諸從事既去、喚弟翼語之曰、孟嘉故是盛德人也、君既辭出外、自除吏名、便步歸家、母在堂、兄弟共相歡樂、怡怡如也、旬有餘日、更版爲勸學從事、時亮崇修學校、高選儒官、以君望實、故應尚德之

太傅河南褚裒簡穆有器識時爲豫章太守
出朝宗亮正旦大會州府人士率多時彥君在
坐次甚遠裒問亮江州有孟嘉其人何在亮云
在坐卿但自覓裒厯觀遂指君謂亮曰將無是
耶亮欣然而笑喜裒之得君奇君爲裒之所得
乃益器焉舉秀才又爲安西將軍庾翼府功曹
再爲江州別駕巴邱令征西大將軍譙國桓溫
參軍君色和而正溫甚重之九月九日溫游龍
山參佐畢集四弟二甥咸在坐時佐吏並著戎

服有風吹君帽墮落。溫目左右及賓客勿言。以觀其舉止。君初不自覺。良久如廁。溫命取以還之。廷尉太原孫綽爲諮議參軍。時在坐。溫命紙筆令嘲之。文成示溫。溫以著坐處。君歸見嘲笑。而請筆作答。了不容思。文辭超卓。四座歎之。奉使京師。除尚書刪定郎。不拜。孝宗穆皇帝聞其名。賜見東堂。君辭以脚疾。不任拜起。詔使人扶入。君嘗爲刺史。謝永別駕。永會稽人。喪亡。君求赴義。路由永興。高陽許詢有雋才。辭榮不仕。每

縱心獨往。客居縣界。嘗乘船近行。適逢君追。勸
曰。都邑美士。吾盡識之。獨不識此人。唯聞中州
有孟嘉者。將非是乎。然亦何由來此。使問君之
從者。君謂其使曰。本心相過。今先赴義。尋還就
君。及歸。途止信宿。雅相知得。有若舊交。還至轉
從事中郎。俄遷長史。在朝隤然。仗正順而已。門
無雜賓。嘗會神情。獨得便超然。命駕逕之龍山。
顧景酣宴。造夕乃歸。溫從容謂君曰。人不可無
勢。我乃能駕御卿。後以疾終於家。年五十一。始

自總髮至于知命行不苟合言無夸矜未嘗有
喜愠之容好酣飲逾多不亂至於任懷得意融
然遠寄傍若無人溫嘗問君酒有何好而卿嗜
之君笑而答曰明公但不得酒中趣爾又問聽
妓絲不如竹竹不如肉答曰漸近自然中散大
夫桂陽羅含賦之曰孟生善酣不愆其意光祿
大夫南陽劉耽昔與君同在溫府淵明從父太
常夔嘗問耽君若在當已作公否荅云此本是
三司人爲時所重如此淵明先親君之第四女

也。凱風寒泉之思，寔鍾厥心。謹按採行事，撰爲此傳，懼或乖謬，有虧大雅。君子之德，所以戰戰兢兢，若履深薄云爾。

贊曰：孔子稱進德修業，以及時也。君清蹈衡門，則令聞孔昭。振纓公朝，則德音允集。道悠運促，不終遠業。惜哉！仁者必壽，豈斯言之謬乎。

五柳先生傳

先生不知何許人也，亦不詳其姓字。宅邊有五柳樹，因以爲號焉。閑靖少言，不慕榮利，好讀書。

不求甚解每有會意便欣然忘食性嗜酒家貧不能常得親舊知其如此或置酒而招之造飲輒盡期在必醉既醉而退曾不吝情去留環堵蕭然不蔽風日短褐穿結簞瓢屢空晏如也常著文章自娛頗示已志忘懷得失以此自終贊曰黔婁有言不戚戚於貧賤不汲汲於富貴極其言茲若人之儔乎酣觴賦詩以樂其志無懷氏之民歟葛天氏之民歟

述

讀史述九章

有序

余讀史記有所感而述之

夷齊

二子讓國相將海隅天人革命絕景窮居采薇
高歌慨想黃虞貞風凌俗爰感懦夫

箕子

去鄉之感猶有遲遲矧伊代謝觸物皆非哀哀
箕子云胡能夷狡童之歌悽矣其悲

管鮑

知人未易相知實難淡美初交利乖歲寒管生
稱心鮑叔必安奇情雙亮令名俱完

程杵

遺生良難士爲知己望義如歸允伊二子程生
揮劍懼茲餘耻令德永聞百代見紀

七十二弟子

恂恂舞雩莫曰匪賢俱映日月其殄至言慟由
才難感爲情牽回也早夭賜獨長年

屈賈

進德修業將以及時如彼稷契孰不願之嗟乎
二賢逢世多疑侯詹寫志感鵬獻辭

韓非

豐狐隱穴以文自殘君子失時白首抱關巧行

居災枝

一作枝

辯召患哀矣韓生竟死說難

魯二儒

易代隨時迷變則愚介介若人特爲貞夫德不
百年汗我詩書逝然不顧被褐幽居

張長公

遠哉長公蕭然何事世路多端皆爲我異歛轡
竭來獨養其志寢跡窮年誰知斯意

祭文

祭程氏妹文

維晉義熙三年五月甲辰程氏妹服制再周淵
明以少牢之奠俛而酬之嗚呼哀哉寒往暑來
日月寢踈梁塵委積庭草荒蕪寥寥空室哀哀
遺孤殽觴虛奠人逝焉如誰無兄衆人亦同生
嗟我與爾特百常情慈妣早世時尚孺嬰我年
二六爾纔九齡爰從靡識撫髻相成咨爾令妹
有德有操靖恭鮮言聞善則樂能正能和惟友

惟孝行止中閨。可象可做。我聞爲善。慶自已蹈。彼蒼何偏。而不斯報。昔在江陵。重惟天罰。兄弟索居。乖隔楚越。伊我與爾。百哀是切。黯黯高雲。蕭蕭冬月。白雲掩晨。長風悲節。感惟崩號。興言泣血。尋念平昔。觸事未遠。書疏猶存。遺孤滿眼。如何一往。終天不返。寂寂高堂。何時復踐。藐藐孤女。曷依曷恃。煢煢遊魂。誰主誰祀。奈何程妹。於此永已。死如有知。相見蒿里。嗚呼哀哉。

祭從弟敬遠文

在辛亥月惟仲秋旬有九日從弟敬遠卜辰
云寔永寧后土感平生之遊處悲一往之不返
情惻惻以摧心淚愍愍而盈眼乃以園果時醪
祖其將行嗚呼哀哉於鑠吾弟有操有槩孝發
幼齡友自天愛少思寡欲靡執靡介後已先人
臨財思惠心遺得失情不依世其色能溫其言
則厲樂勝朋高好是文藝遙遙帝鄉爰感竒心
絕粒委務考槃山陰淙淙懸溜曖曖荒林晨採
上藥夕閑素琴曰仁者壽竊獨信之如何斯言

徒能見欺年甫過立奄與世辭長歸蒿里邈無
還期惟我與爾匪但親友父則同生母則從母
相及齟齬並罹偏咎斯情實深斯愛實厚念疇
昔日同房之歡冬無緼褐夏渴瓢簞相將以道
相開以顏豈不多乏忽忘饑寒余嘗學仕纏綿
人事流浪無成懼負素志歛策歸來爾知我意
嘗願携手寘彼衆議每憶有秋我將其刈與汝
偕行舫舟同濟三宿水濱樂飲川界靜月澄高
溫風始近撫懷而言物久人脆柰何吾弟先我

離世事不可尋思亦何極日徂月流寒暑代息
死生異方存亡有域侯晨永歸指塗載陟呱呱
遺稚未能正言哀哀嫠人禮儀孔閑庭樹如故
齋宇廓然孰云敬遠何時復還余惟人斯昧茲
近情著龜有吉制我祖行望旒翩翩執筆涕盈
神其有知昭余中誠嗚呼哀哉

自祭文

歲惟丁卯律中無射天寒夜長風氣

一作京風蕭索

鴻鴈于征草木黃落陶子將辭逆旅之館永歸

於本宅。故人懷其相悲。同祖行於今夕。羞以嘉
蔬薦以清酌。候顏已冥。聆音愈漠。嗚呼哀哉。茫
茫大塊。悠悠高旻。是生萬物。余得爲人。自余爲
人。逢運之貧。簞瓢屢罄。絺綌冬陳。含歡谷沒。行
歌負薪。翳翳柴門。事我宵晨。春秋代謝。有務中
園。載耘載耔。廼育廼繁。欣以素牘。和以七絃。冬
曝其日。夏濯其泉。勤靡餘勞。心有常閒。樂天委
分。以至百年。惟此百年。夫人愛之。懼彼無成。惛
日惜時。存爲世珍。沒亦見思。嗟我獨邁。曾是異

茲寵非已榮。湮豈吾緇。粹兀窮盧。酣飲賦詩。識
運知命。疇能罔眷。余今斯化。可以無恨。壽涉百
齡。身慕肥遁。從老得終。奚所復戀。寒暑逾邁。亡
既異存。外姻晨來。良友宵奔。塋之中野。以安其
魂。窅窅我行。蕭蕭墓門。奢耻宋臣。儉笑王孫。廓
兮已滅。慨焉已遐。不封不樹。日月途過。匪貴前
譽。孰重後歌。人生實難。死如之何。嗚呼哀哉。

詩

停雲

有序
四章

停雲思親友也。罇湛新醪。園列初榮。願言不
從。歎息爾襟。

靄靄停雲。濛濛時雨。八表同昏。平路伊阻。靜寄
東軒。春醪獨撫。良朋悠邈。搔首延伫。

停雲靄靄。時雨濛濛。八表同昏。平陸成江。有酒
有酒。間飲東窓。願言懷人。舟車靡從。

東園之樹。枝條再榮。競朋親好。一作競用
新好非以怡

一作招非余情。人亦有言。日月于征。安得促席。說彼

平生。

翩翩飛鳥。息我庭柯。歛翮間止。好聲相和。豈無
他人。念子寔多。願言不獲。抱恨如何。

時運

有序
四章

時運游暮春也。春服既成。景物斯和。偶影獨
游。欣慨交心。

邁邁時運。穆穆良朝。襲我春服。薄言東郊。山滌
餘靄。餘靄微消。一作宇暖有風自南。翼彼新

洋洋平津。乃漱乃濯。邈邈遐景。載欣載矚。人亦
有言。稱心易足。一作稱心而言揮茲一觴。陶然

自樂

延目。中流悠悠。

一作清沂童冠齊業閒詠以歸

我愛其靜。寤寐交揮。但恨殊世。邈不可追。

斯晨斯夕。言息其廬。花藥分列。林竹翳如。清琴

橫牀。濁酒半壺。黃唐莫逮。慨獨在余。

榮木有序
四章

榮木。念將老也。日月推遷。已復有夏。總角聞

道白首無成

采采榮木。結根于茲。晨耀其華。夕已喪之。人生若寄。顛顛有時。靜言孔念。中心悵而。

采采榮木。于茲托根。繁華朝起。慨暮不存。貞脆由人。禍福無門。匪道曷依。匪善奚敦。

嗟余小子。稟茲固陋。徂年旣流。業不增舊。志彼不舍。安此日富。我之懷矣。怛然內疚。

先師遺訓。余豈云墜。四十無聞。斯不足畏。脂我

名一作行車。策我名驥。千里雖遙。孰敢不至。

贈長沙公族祖

有序
四章

長沙公於余爲族祖同出大司馬昭穆旣遠
已爲路人經過潯陽臨別贈此

同源分流人易世疎慨然寤歎念茲厥初禮服
遂悠歲往月徂感彼行路眷然躊躇

於穆令族允構斯

一作
新非

堂諧氣冬暄

一作
輝非

映懷

圭璋爰采春花載警秋霜我曰欽哉實宗

之光

伊余云邁在長忘同笑言未久逝焉西東遙遙
三湘滔滔九江山川阻遠行李時通

何以寫心。貽此話言。進簣雖微。終焉爲山。敬哉。離人臨路。悽然。欸襟或遼。音問其先。

酬丁柴桑 二章

有客有客。爰來爰止。秉直司聰。于惠百里。食勝如歸。矜善若始。矜善一作聆音

匪惟也。諸屢有良游。一作由非載言載睡。以寫我憂。放歡一遇。旣醉還休。實欣心期。方從我遊。

答龐參軍

有序
六章

龐爲衛軍參軍。從江陵使上都。過潯陽。見贈。

衡門之下，有琴有書。載彈載詠，爰得我娛。豈無

他好樂，是幽居。朝爲灌園夕偃蓬廬。

人。之。所。寶。尚。或。未。珍。不。有。同。好。云。胡。以。親。我。求。

良友實覲懷人。懽心孔洽。棟宇惟

一作鄰爲非鄰。

伊余懷人。欣德孜孜。我有旨酒。與汝樂之。乃陳

好言。乃著新詩。一日不見。如何不思。

嘉遊未斁。誓將離分。送爾于路。街觴無欣。依依

舊楚。邈邈西雲。之子之遠。良話曷聞。

昔我云別。倉庚載鳴。今也遇之。霰雪飄零。大藩

有命作使上京豈忘宴安王事靡盬
慘慘寒日蕭蕭其風翩彼方舟容裔江中勗哉
征人在始思終敬茲良辰以保爾躬

勸農 六章

悠悠上古厥初生人傲然自足抱朴含真智巧
既萌資侍靡因誰其瞻之寔賴哲人

哲人伊何時爲后稷瞻之伊何寔曰播殖舜既
躬耕禹亦稼穡遠若周典八政始食

熙熙令音猗猗原陸卉木繁榮和風清穆紛紛

士女趨時競逐。桑婦宵興。農夫野宿。
氣節易過。和澤難久。冀缺携儷。沮溺結耦。相彼
賢達。猶勤壟畝。矧伊衆庶。曳裾拱手。
民生在勤。勤則不匱。宴安自逸。歲莫奚冀。儻石
不儲。饑寒交至。顧爾儔列。能不懷愧。
孔耽道德。樊須是鄙。董樂琴書。田園不履。若能
超然。投迹高軌。敢不歛衽。敬讚德美。

命子
十章

悠悠我祖。爰自陶唐。邈爲虞賓。厯世重光。御龍

勤夏丕韋翼商穆穆司徒厥族以昌

紛紛戰國漠漠衰周鳳隱於林幽人在丘逸虬
遶雲奔鯨駭流天集有漢眷余愍侯

於赫愍侯運當攀龍撫劍風

一作風

邁顯茲武功

書誓山河啓土開封疊疊丞相允迪前蹤

渾渾長源鬱鬱洪柯群川載導衆條載羅時有

語默運因隆宓在我中晉業融長沙

桓桓長沙伊勲伊德天子疇我專征南國功遂

辭歸臨寵不忒孰謂斯心而近可得

肅矣我祖慎終如始直方二臺惠和千里於皇

仁考澹焉虛止寄迹風雲冥一作冥非茲愠喜

嗟余寡陋瞻望弗及顧慚華鬢負影隻立三千

之罪無後爲急一作復其急非我誠念哉呱聞爾泣

卜云嘉日占亦良時名汝曰儼字汝永思溫恭

朝夕念茲在茲尚想孔伋庶其企而

厠夜生子遽而求火凡百有心奚特於我既見

其生寔欲其可人亦有言斯情無假

日居月諸漸免于孩福不虛至禍亦易來夙興

夜寐願爾斯才爾之不才亦已焉哉

歸鳥 四章

翼翼歸鳥晨去于林遠之八表近憩雲岑和風
不洽翻翩求心顧儔相鳴景庇清陰

翼翼歸鳥載翔載飛雖不懷游見林情依遇雲
頡頏相鳴而歸遐路誠悠性愛無遺

翼翼歸鳥馴林徘徊豈思天路欣反舊棲雖無
昔侶衆聲每諧日夕氣清悠然其懷

翼翼歸鳥戢羽寒條游不曠林宿則森標晨風

清興好。青時交。贈繳奚施。卷已安勞。

形影神三首

并序

貴賤賢愚。莫不營營以惜生。斯甚惑焉。故極
陳形影之苦。言神辨自然以釋之。好事君子。
共取其心焉。

形贈影

天地長不沒。山川無改時。草木得常理。霜露榮
一作悴。之謂人最靈智。獨復不如茲。適見在世
惟非。中奄去靡歸期。奚覺無一人。親識豈相思。但餘

平生物。舉目情悽沍。我無騰化術。必爾不復疑。
願君取吾言。得酒莫苟辭。

影荅形

存生不可言。衛生每苦拙。誠願游崑華。邈然茲
道絕。與子相遇來。未嘗異悲悅。憩蔭若暫乖。止
日終不別。此同既難常。黯爾俱時滅。身沒名亦
盡。念之五情熱。立善有遺愛。胡爲不自竭。酒云
能消憂。方此詎不劣。

大鈞無私力。萬理自森著。人爲三才中。豈不以
我故與君雖異物。生而相依附。結託善惡同。安
得不相語。三皇大聖人。今復在何處。彭祖愛一作
壽永年。欲留不得住。老少同一死。賢愚無復數。
日醉或能忘。將非促齡具。立善常所欣。誰當爲
汝譽。甚念傷吾生。正宜委運去。縱浪大化中。不
喜亦不懼。應盡便須盡。無復獨多慮。

九日閒居一首

并序

余閒居愛重九之名。秋菊盈園。而持醪靡由。

空服九華。寄懷於言。

世短意常多。斯人樂久生。日月依辰至。舉俗愛其名。露淒暄風息。氣徹天象明。往燕無遺影。來鴈有餘聲。酒能祛百慮。菊解一作非制頽齡。如何蓬廬士。空視時運傾。塵爵耻虛壘。寒華徒自榮。歛襟獨閒謠。緬焉起深情。棲遲固多娛。淹留豈無成。

歸園田居五首

少無適俗韻。性本愛邱山。誤落塵網中。一去三

十年羈鳥戀舊林。池魚思故淵。開荒南野一作畝非

際。守拙歸園田。方宅十餘畝。草屋八九間。榆柳

蔭後簷。

一作園非

桃李羅堂前。曖曖遠人村。依依墟

里烟。狗吠深巷中。鷄鳴桑樹巔。戶庭無塵雜。虛

室有餘閒。久在樊籠裏。復得返自然。

野外罕人事。窮巷寡輪鞅。白日掩荆扉。虛室一作

對酒

絕塵想。時復墟曲中。

一作里人

披草

一作披衣

其來往。

相見無雜言。但道桑麻長。桑麻日已長。我土日

已廣。常恐霜霰至。零落同草莽。

種豆南山下。草盛豆苗稀。晨興理荒穢。帶月荷鋤歸。道狹草木長。夕露霑我衣。衣霑不足惜。但使願無違。

久去山澤游。浪莽林野娛。試携子姪輩。披榛步

荒墟。徘徊邱壠間。依依昔人居。井竈有遺處。桑

竹殘朽株。

一作樹木
殘根株非

借問採薪者。此人皆焉如。

薪者向我言。死沒無復餘。一世異朝市。此語真

不虛。人生似幻化。終當歸空虛。

一作無
虛非

長恨獨策還。崎嶇歷榛曲。山澗清且淺。可

一作
遇非

以濯吾足。漉我新熟酒。隻雞招近屬。

一作日入局非

空中闇。荆薪代明燭。歡來苦夕短。已復至天旭。

問來使一首

爾從山中來。早晚發天目。我屋南窓下。今生幾
叢菊。薔薇葉已抽。秋蘭氣當馥。歸去來山中。山
中酒應熟。

遊斜川一首

并序

辛丑正月五日。天氣澄和。風物間美。與二三
鄰曲。同遊斜川。臨長流。望曾城。魴鯉躍鱗於

將夕。水鷗乘和以翻飛。彼南阜者。名實舊矣。
不復乃爲嗟歎。若夫曾城。傍無依接。獨秀中
阜。遙想靈山。有愛嘉名。欣對不足。率爾賦詩。
悲日月之遂往。悼吾年之不留。各疏年紀卿
里。以記其時日。

開歲倏五十

一作非日

吾生行歸休。念之動中懷。及

辰爲茲游。氣和天惟澄。班坐依遠流。弱湍馳文
魴。閑谷矯鳴鷗。迥澤散游目。緬然睇曾邱。雖微
九重秀。顧瞻無匹儔。提壺接賓侶。引滿更獻酬。

未知從今去。當復如此否。中腸一作非縱遙情忘彼千載憂。且極今朝樂。明日非所求。

示周續之祖企謝景夷三郎一首

負病頽簷下。終日無一欣。藥石有時閒。念我意中人。一作無非相去不尋常。道路邈何因。周生述孔

業。祖謝響然臻。道喪向千載。今朝復斯聞。馬隊非講肆。校書亦已勤。老夫有所愛。思與爾爲鄰。願言誨諸子。從我頽水濱。

乞食一首

饑來驅我去。不知竟何之。行行至斯里。叩門拙
言辭。主人解余意。遺贈豈虛來。談諧終日夕。觴
至輒傾杯。情欣新知歡。興言遂賦詩。感子漂母
惠。愧我非韓才。銜戢知何謝。冥報以相貽。

諸人共遊周家墓栢下

今日天氣佳。清吹與鳴彈。感彼栢下人。安得不
爲歡。清歌散新聲。綠酒開芳顏。未知明日事。余
襟良已殫。

怨詩楚調。示龐主簿鄧治中。

天道幽且遠。鬼神茫昧然。結髮念善事。備傷六
九。年弱冠。逢世阻。始室喪。其偏炎火。屢焚如。螟
蟻恣中田。風雨縱橫至。收歛不盈廛。夏日抱長
一作長抱。饑寒夜無被。眠造夕思雞鳴。及晨願烏遷。
在已何怨天。離憂悽目前。吁嗟身後名。於我若
浮烟。慷慨獨悲歌。鍾期信爲賢。

答龐參軍

有序

三復來貺。欲罷不能。自爾鄰曲。冬春再交。欸
然良對。忽成舊遊。俗諺云。數面成親舊。况情

過此者乎。人事好乖。便當語離。楊公所歎。豈
惟長悲。吾抱疾多年。不復爲文。本旣不豐。復
老病繼之。輒依周孔。往復之義。且爲別後相
思之資。

相知何必舊。傾蓋定前言。有客賞我趣。每每顧
林園。談諧無俗調。所說聖人篇。或有數斟酒。間
飲自歡然。我實幽居士。無復東西緣。物新人惟
舊。弱毫多所宜。情懷萬里外。形跡滯江山。君其
愛體素。來會在今年。

五月旦作和戴主簿

虛舟縱逸棹，回復遂無窮。發歲若俛仰，星紀奄將中。明雨萃時物，作南牕罕悴物非北林榮且豐。神淵

寫時雨，晨色奏景風。既來孰不去，人理固有終。居常待其盡，曲肱豈傷冲。遷化或夷險，肆志無宸隆。卽事如已高，何必升華嵩。

連雨獨飲

運生會歸盡，終古謂之然。世間有松喬，於今定何間。故老贈余酒，乃言飲得仙。試酌百情遠，重

觴○忽○忘○天○天○豈○去○此○哉○任○真○無○所○先○雲○鶴○有○奇○
翼○八○表○須○臾○還○自○我○抱○茲○獨○僂○俛○四○十○年○形○骸○
久○已○化○心○在○復○何○言○

移居二首

昔○欲○居○南○村○非○爲○卜○其○宅○聞○多○素○心○人○樂○與○數○
晨○夕○懷○此○頗○有○年○今○日○從○茲○役○弊○廬○何○必○廣○取○
足○蔽○床○席○鄰○曲○時○時○來○抗○言○談○在○昔○奇○文○其○欣○
賞○疑○義○相○與○析○
春○秋○多○佳○日○登○高○賦○新○詩○過○門○更○相○呼○有○酒○斟○

所之農務各歸閒暇輒相思相思則披衣言

笑無厭時此理將不勝無爲忽去茲衣食當須

幾一作紀力耕吾不欺

和劉柴桑

山澤久見招胡事乃躊躇直爲親舊故未忍言
索居良辰入奇懷絜杖還西廬荒塗無歸人時

時見廢墟茅茨已就治新疇復應畬谷風轉妻

薄春醪解饑飮弱女雖非男慰情良勝無棲棲

世中事歲月其相疎耕織稱其用過此奚所須

去去百年外。身名同翳如。

酬劉柴桑

窮居寡人用。時忘四運周。空

一作庭。多落葉。慨

然。知已秋。新葵鬱北牖。嘉穠眷

一作南。疇。今我

不爲樂。知有來歲不。命室携童弱。良日登遠游。

和郭主簿二首

靄靄堂前林。中夏貯清陰。凱風因時來。回飈開

我襟。息交遊閑臥。坐起弄書琴。

一作息交遊閑。業臥起弄書琴。

非

園蔬有餘滋。舊穀猶儲今。營已良有極。過足

非所欽。春林作美酒。酒熟吾自斟。弱子戲我側。
學語未成音。此事真復樂。聊用忘華簪。遙遙望
白雲。懷古一何深。

和澤周三春。清凉素

一作華非

秋節。露凝無游氛。天

高風景澈。陵岑聳逸峯。遙瞻皆奇絕。芳菊開林

耀。青松冠巖列。懷此貞秀姿。卓爲霜下傑。銜觴

念幽人。千載撫爾訣。檢素不護展。厭厭竟良月。

於王撫軍座送客

秋日淒且厲。百卉具已腓。爰以履霜節。登高餞

將歸寒氣冒山澤。游雲倏無依。洲渚思緬邈。風
水互乖違。瞻夕欣良讌。離言聿云悲。晨鳥暮來
還。懸崖歛餘輝。逝一作止判殊路。旋駕悵遲遲。
目送回舟遠。情隨萬化遺。

與殷晉安別

有序

殷先作晉安南府長史掾。因居潯陽。後作太
尉參軍。移家東下。作此以贈。

遊好非久長。一遇盡殷勤。信宿酬清話。益復知
爲親。去歲家南里。薄作少時鄰。負杖肆游從。淹

留○忘○宵○晨○語○默○自○殊○勢○亦○知○當○乖○分○未○謂○事○已○
及○興○言○在○茲○春○飄○飄○西○來○風○悠○悠○東○去○雲○山○川○
千○里○外○言○笑○難○爲○因○良○才○不○隱○世○江○湖○多○賤○貧○
脫○有○經○過○便○念○來○存○故○人○

贈羊長史

有序

左軍羊長史銜使秦川作此與之

愚生三季後。慨然念黃虞。得知千載外。政賴古
人書。賢聖留餘跡。事事在中都。豈忘游心目。關
河不可踰。九域甫已一。逝將理舟輿。聞君當先

邁負病不獲俱。路若經商山。爲我少躊躇。多謝
綺與角。精爽今何如。紫芝誰復採。深谷久應蕪。
駟馬無貲患。貧賤有交娛。清謚結心曲。人乘運
見疎。擁懷累代下。言盡意不舒。

歲暮和張常侍

市朝悽舊人。驟驥感悲泉。明旦非今日。歲暮余
何言。素顏歛光潤。白髮一已繁。濶哉秦穆談。旅
力豈未愆。向夕長風起。寒雲沒西山。冽冽氣遂
嚴。紛紛飛鳥還。民生鮮常在。矧伊愁苦纏。屢闕

清酤至、無以樂當年、窮通靡攸慮、顛顚由化遷、
撫已有深懷、履運增慨然、

和胡西曹示顧賊曹

蕤賓五月中、清朝起南颶、不駛亦不遲、飄飄吹
我衣、重雲蔽白日、閒雨紛微微、流目視西園、
睚紫葵、於今甚可愛、奈何當復衰、一作當樂
行復衰非
感物願及時、每恨靡所揮、悠悠待秋稼、寥落將
賒遲、逸想不可淹、猖狂獨長悲、

悲從弟仲德一首

詩

七

銜哀過舊宅。悲淚應心零。借問爲誰悲。懷人在
九冥。禮服名群從。恩愛若同生。門前執手時。何
意爾先傾。在數竟未免。爲山不及成。慈母沉哀
疚。二眉纔數齡。雙位委空館。朝夕無哭聲。流塵
集虛坐。宿草旅前庭。階除曠遊迹。園林獨餘情。
翳然乘化去。終天不復形。遲遲將回步。惻惻悲
襟一作盈
一作盈

始作鎮軍參軍經曲阿

弱齡寄事外。委懷在琴書。被褐欣自得。屢空常

晏如時來苟冥會。婉孌一作跼蹐憇通衢。投策命晨

裝。暫與田園疎。眇眇孤舟逝。縣縣歸思紆。我行豈不遙。登陟千里餘。目倦川塗異。心念山澤居。望雲慙高鳥。臨水愧游魚。真想初在襟。誰謂形蹟拘。聊且憑化遷。終返班生廬。

庚子歲五月中從都還阻風於規林二首
行行循歸路。計日望舊居。一欣侍溫顏。再喜見友于。鼓棹路崎曲。指景限西隅。江山豈不險。歸子念前途。凱風負我心。戢柁守窮湖。高莽眇無

界。夏木獨森疎。誰言客舟遠。近瞻百里餘。延目
識南嶺。空難將焉如。

自古歎行役。我今始知之。山川一何曠。巽坎難
與期。崩浪聒天響。長風無息時。久游戀所生。如
何淹在茲。靜念園林好。人間良可辭。當年詎有
幾。縱心復何疑。

辛丑歲七月赴假還江陵夜行塗中

間居三十載。遂與塵事冥。詩書敦宿好。林園無
俗情。如何捨此去。遙遙至南荆。叩枻新秋月。臨

流別友生涼風起將夕夜景湛虛明昭昭天宇
濶晶晶川上平懷役不遑寐中宵尚孤征商歌
非吾事依依在耦耕投冠旋舊墟不爲好爵榮
養真衡茅下庶以善自名

癸卯歲始春懷古田舍二首

在昔聞南畝當年竟未踐屢空既有入春興豈
自免夙晨裝吾駕啓塗情已緬鳥弄歡新節冷
風送餘善一作鳥弄新節寒竹一作被荒蹊地
爲罕一作幽非人遠是以植杖翁悠然不復返卽理

愧通識所保詎乃淺。

先師有遺訓、憂道不憂貧、瞻望邈難逮、轉欲患
一作非長勤、秉耒歡時務、解顏勸農人、平疇交遠
風、良苗亦懷新、雖未量歲功、卽事多所欣、耕種
有時息、行者無問津、日入相與歸、壺漿勞近鄰。
長吟掩柴門、聊爲隴畝民。

癸卯歲十二月中作與從弟敬遠

寢迹衡門下、邈與世相絕、顧盼莫誰知、荆扉晝
常閉、必結切淒淒歲暮風、翳翳經夕日、一作非雪傾耳

無希聲在目皓已潔。勁氣侵襟袖。簞瓢謝屢設。
蕭索空宇中。了無一可悅。歷覽千載書。時時見
遺烈。高操非所攀。謬一作深非得固窮節。平津苟不
由。棲遲詎爲拙。寄意一言外。茲契誰能別。

乙巳歲三月爲建威參軍使都經錢溪

我不踐斯境。歲月好已積。晨夕看山川。事事悉
如昔。微雨洗高林。清飈矯雲翮。眷彼品物存。義
風都未隔。伊余何爲者。勉勵從茲役。一形似有
制。素襟不可易。園田日夢想。安得久離析。終懷

在歸

一作非

舟諒哉宜

一作霜栢

還舊居

疇昔家上京

十一作非

載去還歸今日始復來惻

愴多所悲阡陌不移舊邑屋或時非履歷周故

居隣老罕復遺步步尋往迹有處特依依流幻

百年中寒暑日相推常恐大化盡氣力不及衰

撥置且莫念一觴聊可揮

戊申歲六月中遇火

草廬寄窮巷甘以辭華軒正夏長風急林室頓

燒燔一宅無遺宇。舫舟蔭門前。迢迢新秋夕。亭
亭月將圓。果萊始復生。驚鳥尚未還。中宵竚遙
念。一盼周九天。總髮抱孤介。一作奄念非。奄出四十年。
形迹憑化往。靈府長獨閒。貞剛自有質。玉石乃
非堅。仰想東戶時。餘糧宿中田。鼓腹無所思。朝
起暮歸眠。既已不遇茲。且遂灌我園。

已酉歲九月九日

靡靡秋已夕。淒淒風露交。蔓草不復榮。園木空
自凋。清氣澄餘滓。杳然天界高。哀蟬無留聲。一作歸非

響叢

一作燕非

鴈鳴雲霄。萬化相尋繹。人生豈不勞。

從古皆有沒。念之中心焦。何以稱我情。濁酒且自陶。千載非所知。聊以永今朝。

庚戌歲九月中於西田穫早稻

人生歸有道。衣食固其端。孰是都不營。而以求自安。開春理常業。歲功聊可觀。晨出肆微勤。日入負耒一作禾非還。山中饒霜露。風氣亦先寒。田家豈不苦。弗獲辭此難。四體誠已疲。庶無異患干。盥濯息簷下。斗酒散襟一作勛非。顏。遥遥沮溺心。千

載乃相關，但願長如此。躬耕非所歎，

丙辰歲八月中於下潠田舍穫

貧居依

一作事非

稼穡。戮力東林隈，不言春作苦。常

恐負所懷。司田眷有秋，寄聲與我諧。饑者歡初

飽，束帶候鳴雞。楊楸越平湖，汎隨清壑迴。鬱鬱

荒山裏，猿聲聞且哀。悲風愛靜夜，

一作夜靜非

林鳥

喜晨開。曰余作此來，三四星火頽。姿年逝已老，

其事未云乖。遙謝荷篠翁，聊得從君棲。

責子

白髮被兩鬢。肌膚不復實。雖有五男兒。總不好
紙筆。阿舒已二八。懶惰故無匹。阿宣行志學。而
不愛文術。雍端年十三。不識六與七。通子垂九
齡。但覓梨與栗。天運苟如此。且進杯中物。

有會而行

并序

舊穀旣沒。新穀未登。頗爲老農。而值年災。日
月尚悠。爲患未已。登歲之功。旣不可希。朝夕
所資。烟火裁通。旬日已來。始念饑乏。歲云夕
矣。慨然永懷。今我不述。後生何聞哉。

弱年逢家乏。老至更長饑。菽麥實所羨。孰敢慕
甘肥。怒如亞九飯。當暑厭寒衣。歲月將欲暮。如
何辛苦悲。常善粥者心。深恨蒙袂非。嗟來何足
吝。徒沒空自遺。斯濫豈彼志。固窮風所歸。餒也
已矣夫。在昔余多師。

蜡日

風。雪。送。餘。運。無。妨。時。已。和。梅。柳。夾。門。植。一。條。有
佳。花。我。唱。爾。言。得。酒。中。適。何。多。未。能。明。多。少。章
山。有。奇。歌。

四時

春水滿四澤。夏雲多奇峯。秋月揚明暉。冬嶺秀

孤松。

飲酒二十首

有序

余間居寡歡。兼此夜已長。偶有名酒。無夕不
飲。顧影獨盡。忽焉復醉。既醉之後。輒題數句
自娛。紙墨遂多。辭無詮次。聊命故人書之。以
爲歡笑爾。

衰榮無定在。彼此更共之。邵生瓜田中。寧似東

陵時寒暑有代謝，人道每如茲。達人解其會，一作

趣逝將不復疑。忽與一觴酒，日夕歡相持。

積善云有報，夷叔在一作饑非西山。善惡苟不應，何

事空立言。九十行帶索，饑寒况當年。不賴固窮

節，百世當誰傳。

道喪向千載，人人惜其情。有酒不肯飲，但顧世

間名。所以貴我身，豈不在一生。一生復能幾，條

如流電驚。鼎鼎百年內，持此欲何成。

棲棲失羣鳥，日暮猶獨飛。徘徊無定止，夜夜聲

轉悲厲響思清晨遠去何所依。

一作厲響思清遠去來何依依。

非因值孤生松歛翮遙來歸勁風無榮木此蔭。

獨不哀託身已得所千載不相違。

結廬在人境而無車馬喧問君何能爾心遠地。

自偏採菊東籬下悠然見南山山氣日夕佳飛。

鳥相與還此中有真意欲辯已忘言。

行止千萬端誰知非與是是非苟相形雷同共。

譽毀三季多此事達士似不爾咄咄俗中愚。

一作

惡且當從黃綺。

秋菊有佳色。裛露掇其英。汎此忘憂物。遠我遺

世情。一觴雖

一作聊非

獨進。杯盡壺自傾。日入羣動

息。歸鳥趣林鳴。嘯傲東軒下。聊復得此生。

青松在東園。衆草沒其姿。疑霜殄異類。卓然見
高枝。連林人不覺。獨樹衆乃奇。提壺挂寒柯。遠
望時復爲。吾生夢幻間。何事繼塵羈。

清晨聞叩門。倒裳往自開。問子爲誰歟。田父有
好懷。壺漿遠見候。疑我與時乖。縑縷茆簷下。未
足爲高棲。一世皆尙同。願君汨其泥。深感父老

言稟氣寡所諧。紆轡誠可學。違已詎非迷。且共
觀此飲。吾駕不可回。

在昔曾遠遊。直去東海隅。道路迴且長。風波阻

一作起非

中塗。此行誰使然。似爲饑所驅。傾身營一

飽。少許便有餘。恐此非名計。息駕歸閒居。

顏生稱爲仁。榮公言有道。屢空不獲年。長饑至

于老。雖留身後名。一生亦枯槁。死去何所知。稱

心。固爲好客。

一作各非

養千金軀。臨化消其寶。裸葬

何必惡。人當解意表。

長公會一仕。壯節忽失時。杜門不復出。終身與
世辭。仲理歸大澤。高風始在一作如茲。一往便當
已。何爲復狐疑。去去當奚道。世俗久相欺。擺落
悠悠談。請從余所之。

有客常同止。取捨邈異境。一士長獨醉。一夫終
年醒。醒醉還相笑。發言各不領。規規一何愚。兀

傲差若頽。寄言酣中客。日沒獨何炳。

一作燭
當秉非

故人賞我趣。挈壺相與至。班荆坐松下。數酌已
復醉。父老雜亂言。觴酌失行次。不覺知有我。安

知物爲貴悠悠迷所畱酒中有深味

貧居乏人工。灌木荒余宅。班班有翔鳥。寂寂無

行跡。宇宙何悠悠。

一作一何悠悠非

人生少至百。歲月相

從過。

一作催逼非

髣邊早已白。若不委窮達。素抱深

可惜

少年罕人事。游好在六經。行行向不感。淹畱遂

一作自非

無成。竟抱窮苦節。饑寒飽所更。敝廬交悲

風。荒草沒前庭。披褐守長夜。晨雞不肯鳴。孟公

不在茲。終以翳吾情。

幽蘭生前庭。含薰待清風。清風脫然至。見別蕭
艾中。行行失故路。任道或能通。覺悟當念還。烏
盡廢良弓。

子雲性嗜酒。家貧無由得。時賴好事人。載醪祛
所惑。觴來爲之盡。是諮無不塞。有時不肯言。豈
不在伐國。仁者用其心。何嘗失顯默。

疇昔苦長饑。投耒去學仕。將養不得節。凍餒固
纏已。是時向立年。志意多所耻。遂盡介然分。拂
衣一作終歸田里。冉冉星氣流。亭亭復一紀。世

死非

歸田里冉冉星氣流亭亭復一紀世

路廓悠悠楊朱

一作生非

所以止雖無揮金事濁酒

聊可恃

義農去我久舉世少復真汲汲魯中叟彌縫使
其涓鳳鳥雖不至禮樂暫得新洙泗輟微響漂
流逮狂秦詩書復何罪一朝成灰塵區區諸老
翁爲事誠殷勤如何絕世下六籍無一親終日
馳車走不見所問津若復不快飲空負頭上巾
但恨多謬誤君當恕醉人

居止次城邑逍遙自閑止坐止高蔭下步止華

門裏好味止園葵犬權止稚子平生不止酒止
酒情無喜暮止不安寢晨止不能起日日欲止
之營衛止不理徒知止不樂未信一作知非止利已
始覺止爲善今朝真止矣從此一止去將止扶
桑淚清顏止宿客奚止千萬祀

述酒

重離照南陸鳴鳥聲相聞秋草雖未黃融風火
已分素礫晶脩渚南嶽無餘雲豫章抗高門重
華固靈墳流淚抱中歎傾耳聽司晨神州獻佳

粟。西靈爲我駟。諸梁董師旅。羊勝喪其身。山陽
歸下國。成名猶不勤。卜生善斯牧。安樂不爲君。
平生去舊京。峽中納遺薰。雙陵甫云育。三趾顯
奇文。王子愛清吹。日中翔河汾。朱公練九齒。閒
居離世紛。峩峩西嶺內。偃息常所親。天容自永
固。彭殤非等倫。

擬古九首

榮榮窓下蘭。密密堂前柳。初與君別時。不謂行
當久。出門萬里客。中道逢嘉友。未言心相醉。不

在接杯酒。蘭枯柳亦衰。遂令此言負。一作時非

多謝諸少年。相知不忠。一作相非厚意氣。傾人命離。

隔復何有。

辭家夙嚴駕。當往志無終。問君今何行。非商復

非戎。聞有田子春。節義爲士雄。斯人久已死。鄉

里習其風。生有高世名。旣沒傳無窮。不學狂一作

驅馳子。直在百年中。

仲春遘時雨。始雷發東隅。衆蟄各潛駭。草木從

橫。一作舒翩翩新來燕。雙雙入我廬。先巢故尙

在。相將還舊居。自從分別來。門庭日荒蕪。我心
固匪石。君情定何如。

迢迢百尺樓。分明望四荒。暮作蜃雲宅。朝爲飛

鳥堂。山河滿目中。平原轉茫茫。古時功名士。慷慨爭此場。一旦百歲後。相與還北邙。松柏爲人
伐。高墳互低昂。頽基無遺主。遊魂在何方。榮華
誠足貴。亦復可憐傷。

東方有一士。被服常不完。三旬九遇食。十年著
一冠。辛苦無此比。常有好奇顏。我欲觀其人。晨

云。越河關。青松夾路生。白雲宿簷端。知我故來
意。取琴爲我彈。上絃驚別鶴。下絃操孤鸞。願留
就君住。從今至歲寒。

蒼蒼谷中樹。冬夏常如茲。年年見霜雪。誰謂不
知時。厭聞世上語。結友到臨淄。稷下多談士。指
彼決吾疑。裝束既有日。已與家人辭。行行停出
門。還坐更自思。不怨道里長。但畏人我欺。萬一
不合意。永爲世笑嗤。一作伊懷難具道爲君作
此詩。

日暮天無雲。春風扇微和。佳人美清夜。達曙酣
且歌。歌竟長歎息。持此感人多。皎皎雲開月。灼
灼葉中華。豈無一時好。不久當如何。

少時壯且厲。撫劍獨行游。誰言行游近。張掖至
幽州。饑食首陽薇。渴飲易水流。不見相知人。惟
見古時邱。路邊兩高墳。伯牙與莊周。此士難再
得。吾行欲何求。

種桑長江邊。三年望當採。枝條始欲茂。忽值山
河改。柯葉自摧折。根株浮滄海。春蠶既無食。寒

云欲誰待本不植高原今日復何悔

雜詩十二首

人生無根蒂。飄如陌上塵。分散逐風轉。此已非
常身。落地爲一作流兄一作落弟。何必骨肉親。得歡當

作樂。斗酒聚北鄰。盛年不重來。一日難再晨。及
時當勉勵。歲月不待人。

白日淪西河。素月出東嶺。遙遙萬里輝。蕩蕩空
中景。風來入房戶。夜中枕席冷。氣變悟時易。不
眠知夕永。欲言無予和。揮杯歡孤影。日月擲人

去。有志不獲騁。念此懷悲悽。終曉不能靜。

榮華雖久居。盛衰不可量。昔爲三春蕖。今作秋

蓮房。嚴霜結野草。枯悴未遽央。日月還復周。

一作

有環我去不再陽。眷眷徃昔時。憶此斷人腸。

周非

丈夫志四海。我願不知老。親戚共一處。子孫還

相保。觴絃肆朝日。罇中酒不燥。緩帶盡歡娛。起

晚眠常早。孰若當世士。氷炭滿懷抱。百年歸

一作

非邱壘。用此空名道。

憶我少壯時。無樂自欣豫。猛志逸四海。騫翮思

遠、翫、在、苒、歲、月、頽、此、心、稍、已、去、值、歡、無、復、娛、每、
每、多、憂、慮、氣、力、漸、衰、損、轉、覺、日、不、如、壑、舟、無、須、
史、引、我、不、得、住、前、塗、當、幾、許、未、知、止、泊、處、古、人、
惜、寸、陰、念、此、使、人、懼、

昔聞長者言。掩耳每不喜。奈何五十年。忽已親

此事。求我盛年歡。一毫無復意。去去轉欲遠。此

生難

一作豈非

再值傾家持

一作時非

作樂。竟此歲月駛

有子不留金。何用身後置。

日月不肯遲。四時相催迫。寒風拂枯條。落葉掩

長陌弱質與

一作興非

運頽玄鬢早已白素標插人

頭前途漸就窄家爲逆旅舍我如當去客去去

欲何之南山有舊宅。

代耕本非望所業在田桑躬親未曾替寒餒常
糟糠豈期過滿腹但願飽粳糧御冬足大布麤
絺以應陽政爾不能得哀哉亦可傷人皆盡獲
宜拙生失其方理也可奈何且爲陶一觴

遙遙從羈役一心處兩端掩淚汎東逝順流追
時遷日沒星與昴勢翳西山巔蕭條隔天涯惆

悵念常食。悵慨思南歸。路遐無由緣。關梁難虧。
替絕音。寄斯篇。

閒居執蕩志。時駛不可稽。驅役無停息。軒裳逝
東崖。沉陰擬薰麝。寒氣激我懷。歲月有常御。我
來淹已彌。慷慨憶綢繆。此情久已離。荏苒經十
載。暫爲人所羈。庭宇翳餘木。倏忽日月虧。

我行未云遠。回顧慘風涼。春燕應節起。高飛拂
塵梁。邊鴈悲無所。代謝歸北鄉。離鷗鳴清池。涉
暑經秋霜。愁人難爲辭。遥遥春夜長。

嫋嫋松標崖。婉孌柔童子。年始三五間。喬柯何
可倚。一作柯條何滓滓養色含津氣。粲然有心
理。又作華柯真可寄

詠貧士七首

萬族各有託。孤雲獨無依。曖曖空中滅。何時見
餘暉。朝霞開宿霧。衆鳥相與飛。遲遲出林翮。未
夕復來歸。一作已量力守故轍。豈不寒與饑。知
音苟不存。已矣何所悲。復歸非

淒厲歲云暮。擁一作褐曝前軒。南圃無遺秀。枯

條盈北園。傾壺絕餘瀝。闕竈不見烟。詩書塞座
外。日晏不遑研。間居非陳厄。竊有愠見言。何以
慰吾懷。賴古多此賢。

柴叟老帶索。欣然方彈琴。原生納決履。清歌暢

商

一作高非

音。重華去我久。貧士世相尋。獎襍不掩

肘。藜羹常乏斟。豈忘襲輕裘。苟得非所欽。賜也
徒能辯。乃不見吾心。

安貧守賤者。自古有黔婁。好爵吾不榮。厚饋吾
不酬。一旦壽命盡。獎服仍一作蔽不周。豈不知

其極非道故無憂從來將千載未復見斯儔朝
與仁義生夕死復何求

袁安困積雪邈然不可干阮公見錢入卽日棄

其官芻藁有常溫採菰足朝食豈不實辛苦所

懼非饑寒貧富常交戰道勝無戚一作厚非顏至德

冠邦間清節映西關

仲蔚愛窮居遶宅生蒿蓬翳然絕交游賦詩頗

能工舉世無知者一作音非止有一劉龔此士胡獨

然寔由罕所同介焉安其業所樂非窮通人事

固以拙聊得長相從。

昔在黃子廉，彈冠佐名州。一朝辭吏歸，清貧畧
難儔。年饑感仁妻，泣涕向我流。丈夫雖有志，固
爲兒女憂。惠孫一晤歎，腆贈竟莫酬。誰云固窮
難，邈哉此前脩。

詠二疏

大象轉四時，功成者自去。借問袁周來，幾人得
其趣。游日漢廷中，二疏復此舉。高嘯返舊居，長
揖儲君傅。餞送傾皇朝，華軒盈道路。離別情所

悲餘榮何足顧事勝感行人。賢哉豈常譽。厭厭
間里歡。所營非近務。促席延故老。揮觴道平素。
問金終寄心。清言曉未悟。放意樂餘年。遑恤身
後慮。誰云其人亡。久而道彌著。

詠三良

彈冠乘通津。但懼時我遺。服勤盡歲月。常恐功
愈微。忠情謬獲露。遂爲君所私。出則陪文輿。入
必侍丹帷。箴規嚮已從。計議初無虧。一朝長逝
後。願言同此歸。厚恩固難忘。君命安可違。臨穴

問遲疑。投義志。攸希。荆棘籠高墳。黃鳥聲正悲。
良人不可贖。泣然霑我衣。

詠荆軻

燕丹善養士。志在報強嬴。招集百夫良。歲暮得
荆卿。君子死知已。提劍出燕京。素驥鳴廣陌。慷
慨送我行。雄髮指危冠。猛氣衝長纓。飲餞易水
上。四座列群英。漸離擊悲筑。宋意唱高聲。蕭蕭
哀風逝。淡淡寒波生。商音更流涕。羽奏壯士驚。
心知去不歸。且有後世名。登車何時顧。飛蓋入

秦庭。凌厲越萬里。逶迤過千城。圖窮事百至。豪
主正怔營。惜哉劍術疎。奇功遂不成。其人雖已
沒。千載有餘情。一作斯人久已沒。千載有深情。

讀山海經十三首

孟夏草木長。遶屋樹扶疎。衆鳥欣有託。吾亦愛
吾廬。旣耕亦已種。時還讀我書。窮巷隔深轍。頗
迴故人車。歡言_然一作酌春酒。摘我園中蔬。微雨
從東來。好風與之俱。汎覽周王傳。流觀山海圖。
俯仰終宇宙。不樂復何如。

玉臺

一作堂非

凌霞秀王母。怡妙顏天地。共俱生不

知幾何年。靈化無窮已。館宇非一山。高酣發新

謠。宜效俗中言。

迢遞槐江嶺。是謂玄圃邱。西南望崑墟。

一作崑崙非

氣難與儔。亭亭明玕照。落落清瑤流。恨不及周

穆。託乘一來游。

丹木生何許。迺在崧山陽。黃花復朱實。食之壽

命長。白玉凝素液。瑾瑜發奇光。豈伊君子寶。見

重我軒黃。

翩翩三青鳥毛色奇可憐朝爲王母使暮歸三
危山我欲因此鳥具向王母言在世無所須惟
酒與長年

逍遙蕪臯上杳然望扶木洪柯百萬尋森散覆
暘谷靈人侍丹池朝朝爲日浴神景一登天何
幽不見燭

粲粲三珠樹寄生赤水陰亭亭凌風桂八榦共
成林靈鳳撫雲舞神鸞調玉音雖非世上寶爰
得王母心

自古皆有沒，何人得靈長。不死復不老，萬歲如
平常。赤泉給我飲，員兵足我糧。方與三辰游，壽
考豈渠央。

夸父誕宏志，乃與日競走。俱至虞淵下，似若無
勝負。神力既殊妙，傾河焉足有。餘迹寄鄧林，功
竟在身後。

精衛銜微木，將以填滄海。刑天舞干戚，猛志故
常在。在同物，既無慮。化去不復悔，徒設在昔心。良
晨詎可待。

巨猾肆威暴。欽軀違帝旨。窳窳強能變。祖江遂
獨死。明明上天鑒。爲惡不可履。長枯固已劇。鵠
鶚豈足恃。

鵠鵠

當作鵠鵠

見城邑。其國有放士。念彼懷王世。當

時數來止。青邱有奇鳥。自言獨見爾。本爲迷者
生。不以喻君子。

巖巖顯朝市。帝者慎用才。何以廢共鯨。重華爲
之來。仲父獻誠言。姜公乃見猜。臨沒告饑渴。當
復何及哉。

擬挽歌辭三首

有生必有死，早終非命促。昨暮同爲人，今旦在
鬼錄。魂氣散何之，枯形寄空木。嬌兒索父啼，良
友撫我哭。得失不復知，是非安能覺。千秋萬歲
後，誰知榮與辱。但恨在世時，飲酒不得足。

在昔無酒飲，今旦

一作但

湛空觴。春醪生浮蟻，何

時更能嘗。殽案盈我前，親舊哭我傍。欲語口無
音，欲視眼無光。昔在高堂寢，今宿荒草鄉。一朝
出門去，歸來夜未央。

荒草何茫茫，白楊亦蕭蕭。嚴霜九月中，送我出
遠郊。四面無人居，高墳正崔嵬。馬爲仰天鳴，風
爲自蕭條。一作鳥爲動哀鳴林爲結風颯幽室一已閉，千年不
復朝。千年不復朝，賢達無奈何。向來相送人，各
自還其家。親戚或餘悲，他人亦已歌。死去何所
道，託體同山阿。

桃花源詩

嬴氏亂天紀，賢者避其世。黃綺之商山，伊人亦
云逝。往迹浸復湮，來逕遂蕪廢。相命肆農耕，日

入從所憩。桑竹垂餘蔭。菽稷隨時藝。春蠶收長
絲。秋熟靡王稅。荒路曖交通。鷄犬互鳴吠。俎豆
猶古法。衣裳無新製。童孺縱行歌。斑白歡游詣。
草榮識節和。木衰知風厲。雖無紀歷誌。四時自
成歲。怡然有餘樂。於何勞智慧。竒蹤隱五百。一
朝敞神界。溥薄既異源。旋復還幽蔽。借問遊方
士。焉測塵囂外。願言躡輕風。高舉尋吾契。

聯句

鳴鴈乘風飛去去當何極念彼窮居士如何不

歎息

淵明

雖欲騰九萬扶搖竟何力遠招王子喬

雲駕庶可飭

情之

顧侶正徘徊離離翔天側霜落

不切肌徒愛雙飛翼

循之

高柯擢條榦遠眺同天

色思絕慶未看徒使生迷惑

淵明

本傳

陶潛字淵明。或云淵明字元亮。尋陽柴桑人也。曾祖侃。晉大司馬。潛少有高趣。嘗著五柳先生傳以自況。時人謂之實錄。親老家貧。起爲州祭酒。不堪吏職。少日。自解歸。州召主簿。不就。躬耕自資。遂抱羸疾。復爲鎮軍建威參軍。謂親朋曰。聊欲絃歌。以爲三逕之資。可乎。執事者聞之。以爲彭澤令。公田悉令吏種秫稻。妻子固請種秔。乃使二頃五十畝種秔。五十畝種秔。郡遣督郵

至縣吏白應束帶見之。潛嘆曰：我。不。能。爲。五。斗。米。折。腰。向。鄉。里。小。人。卽日解印綬去職。賦歸去來詞。義熙末徵著作佐郎不就。江州刺史王弘欲識之。不能致也。潛嘗往廬山弘令潛故人龐通之。齋酒具於半道栗里要之。潛有脚疾使一門生二兒輦籃輿。旣至欣然便共飲酌。俄頃弘至亦無忤也。先是顏延之爲劉柳後軍功曹在尋陽與潛情款。後爲始安郡經過日日造潛。每往必酣飲致醉。臨去留二萬錢與潛。潛悉送酒。

家稍就取酒。嘗九月九日無酒，出宅邊菊叢中坐久，值弘送酒至，卽便就酌。醉而後歸，潛不解音聲，而畜素琴一張，無絃，每有酒適，輒撫弄以寄其意。貴賤造之者，有潛輒設，潛若先醉，便語客：「我醉欲眠，卿可去。」其真率如此。郡將候潛，值其酒熟，取頭上葛巾漉酒畢，還復著之。潛弱年薄官，不潔去就之迹，自以曾祖晉世宰輔，恥復屈身後代。自高祖王業漸隆，不復肯仕。所著文章，皆題其年月。義熙以前，則書晉氏年號。自永

初。以。來。唯。云。甲。子。而。已。潛。元。嘉。四。年。卒。時。年。六

十。三。

陶彭澤集終

